

2

VIRGINAL

si eime keiser zæme
ze tragen wol in sinre nôt.
5 er wær verdecket vür den tót,
und obe ez alsó kæme
daz er in strite müeste sin.
die ringe wåren veste:
reht als si wåren rôtguldin,
10 gåben si ir glestē.
swanne der heidenische man
sin harnesch an geleite,
von ime erliuhtet was der tan.
6 Swann er alsó ze strite reit,
sò wol im stuont sin wåfenkleit
in ritterlichem prise.
er vuorte ein sper wiz unde rein,
5 daz was lüter von helfenbein:
drin in vil sūezer wise
ein nahtegal sò lüte sanc,
swann erz vuort an der hende,
dazz in dem walde suoze erklanc
10 und in der steines wende.
ir stimme diu gap sūezen dôn,
wan si mit grózen listen was
in daz sper verwürket schön.
7 Innen des der Berner saz
bi schönen vrouwen, dà er az.
er wart gevraget sere
von zarten vrouwen an der stunt.
5 si språchen 'herre, tuont uns kunt:
wizt ir iht vremder mære?
ist iu iht åventiure beschehen,
die weln wir hœren gerne.
der wårheit sülnt ir uns verjehen.'
10 der edel voit von Berne
ûz der måzen sere erschrac:
er weste umb åventiure niht,
swie nåhez sime herzen lac.

8 Der Berner wart gar schamerôt.
er leit an sime herzen nôt,
daz ime kein åventiure
bi sinen ziten was bekant.
5 er gedåhte an meister Hildebrant,
'der sol mir geben stiure'.
urloup er zuo den vrouwen nam,
er kunde in niht gesagen;
ze Hildebrande er dô kam,
10 dem begunde er sere klagen
'die vrouwen hânt gevraget sêr
mich nåch dingen, der ich niht weiz:
daz lit mir an dem herzen swær.'
9 Der alte meister Hildebrant
nam den jungen bi der hant
und vuorte in an ein ende.
er sprach 'vil lieber herre min,
5 wie lange welnt ir heime sin?
ich sterbe odr ich erwende
vil griuweliche gróze klage,
diu ist in iuwer lande.
vernement reht waz ich iu sage:
10 wir hân sin iemer schande,
daz man sus wüestet unser lant.
wol ûf, lânt uns riten dar,
sò wirt uns åventiure erkant.'
10 Dô sprach der junge Dieterich
'her Hildebrant, min vater mich
iuch hiez alsó ziehen,
biz daz ich wurde ein kreftec man.
5 nu grifentz ritterlichen an:
ich enwil kein sturmen vliehen.
wir wellen zuo der künegin 4
und mit den heiden striten.
des sullen wir wol sicher sin,
10 wir müezen durch si liden
arbeit: diu gât uns dà in hant.

7 das w] obe 6,4. 5 wis vnd reine: beine 6 dar jne 9 das süsse 7,7 icht fröm-
der H 12 wuste 13 nåhez] nohe wie nah es im am h. w 29 9,5 welnt ir] wellent hie
wolt ir w 31 6 oder 9 recht w 31, fehlt 12 und lânt? 10,5 nu H] an

